

مجله دانش اسلام

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در
اتبعون اهدکم سبیل الرشاد
صاحب و مدیر مسئول : ح . اشرف ادیب

سوزیله تأکید عفت ایله یوب خطاب ایتشدیر .

— ۲ —

یاووز سلطان سلیم خان حضرتلرینک ایتدکلی سفرلرندن برنده عسکرلره بعض مرتبه اوصانچ کلوب حربدن بیقمش و بعض مرتبه یولسز حرکتلر ، مناسبتسز نمایشلرده بولونمش اولدقلرندن شهریار ظفرشعار درحال یکپیچی آغاسنی جلب ایله جزای سزاسنی ویردکدن و امرای سائره فی حرمکاه ظفراکتناهلری اوکنه دعوت ایله دکن صوکره :

— ایشته باقیکز ، تربیه سزلیک بوندن بویله کوره جکلری معامله بودر . بن دین مینک عزتی ایچون چالیشیورم . بویوله احرازشان و غلبه چالیده حغم . احراز شان و غلبه ایسه عسکرک چوقلغنه دکل ، تربیه و شجاعته منوطدر .

تهدید فعلانه سیله اردوسنده تربیه عسکریه بی تأیید ایله ایدر .

— ۵ —

فاتح سلطان محمد خان حضرتلری ادرنه اردوگاهنی استانبوله نقل ایله دیکی صیره ده ایراد بیوردینی بر نطقده :

— اولوم آدمه بر دفعه کلیر ، قورقوایسه اولوم کلنه قدر تمادی ایتدیکندن هر آن بر اولوم آجیسی حس ایتدیرر و الحاصل قورقو اولمکدن هم زور ، هم آجیدر . فقره سنی درمیان بیورمشدیر .

— ۶ —

بلغراد محاربه سنده فاتح سلطان محمد خان حضرتلری یاره لندینی جهته اردوی عثمانیده بر درجه قدر بوزغونلق علامتی کورولدیکندن هان حضرت فاتح تکرار آتی میدانه سوروب :

— عسکرلر ! دشمن مریمانی قورقانلره ساقانانلره ایریشور . دمنجک براز صاقلانور کی اولدم ، درحال بی بولدی . باقک شمدی کوکمی کرییورم ، اوکنده کزییورم ده بکا کلیور . صانکه مرملرده بندن قورقیور . ایشته هر جسور دن ده بویله قورقارلر . اجسام علویه مواد سفلیه ایریشمز .

یولنده بر خطبات بسالت انتسابله صاعقه کی تکرار محاربه یه کیریشمش و شاهد دل ارای موقیتی دراغوش ایتدیر .

[دوام ایده جک] بروسه لی

محمد طاهر

صاف درونلیمی در ، نه در ؟

آوروپاده مدنیت دیدکلی معناسز برسوز وار : «Civilis» ... کندیلرنجه ایکی پاره لاق اهمیت و قیمتی حائر اولمیان شوکله بی بزه او قدر بیوک طامشلردر ، که بزه زمان بوتون حرکتی عمرمزی ، منافع شخصیه و ملیه مزی شو کله اوغرنده فدا ایدیورر . بیله رک بیلمیه رک هپ مدنیت ، مدنیت ! اولورمی ، یاقیشرمی ؟ ... دییورر .

حالبوکه او بزم خواجه لرمز اولان ذوات . که بزه بوکله بی تعلیم ایتشلردر ، کندیلری بزم حقمزده ، یالکیز بزم حقمزده دکل ،

زده ضعیفی بولورلر سه عموماً اوضعیفلر : نقدده جاناواردن دها وحشی اولیورلر . بو اوقدر آشکار شیدر که بونی اثبات ایچون اهل بصیرت دلیل بیله آرامزلر . ایستر ملتله نامنه ، ایستر افراد نامنه ملاحظه اولونسون ، بو ، بویله در : الگمتدن انکلیزلرک ، فرانسلرک هندستانده ، مصرده ، تونسده روا کوردکلی قوانینی ، کندیلری دخی همجنسلرینه ، هم دینلرینه قارشنی استعمال اولندیغنی کوریرلر سه قیامتلی قوپاریرلر . افراد کلهجه الگمتدن آدملرک . حتی الگمشهور پروفیسورلرک میاننده دخی ، کندی برادرینه ، حتی پدرینه قارشنی دنیا مالی ایچون الگ بیوک دناشلی ارتکاب ایدنلر یوزلرجه ، بیکلرجه در . اکثر مدنیته محافظه ایدنلرده ، مدنیته دن دکل ، اللرینه فرصت کچمیدیکدن بر فسادلده بولنه میورلر . بن ، بو بایده مشاهداتم اوله رق بیکلرجه معامله لر ایله مثال کوستره بیلورم ، فقط سحیفه مساعد دکل .

شیمدی بز ، بوکله بی اوقدر بیوتمشز که ، بتون بلیات بزه شو یوزدن کلش و کله کده در ، بز حالامدیت دییورر : بیقلمزی یوقاری چکرز مدنیت ، سفره لرمزده تابای شاقردیسی مدنیت ، پالاق چیزمه مدنیت ، توقاتلیانده دوشوب قالمق مدنیت ، دها بیلمه نه هپ مدیت ... بونلرک هپسندن اغماض ایدلم ، بوکون حرب زماننده دشمنلرمز بزم کویلمزی یاقیورلر ، قومیه جیلری واسطه سیله بومبالر آتدیریورلر ، بیچاره ضعیفلرمزی آصوب کسیورلر ، بالآخره بزم نبیه مزدن اولنلرینی دخی پاپاسلری واسطه سیله اغوا ایدرک ، بزم علیهمزه سوق ایدیورلر . قرق کلیسا تخلیه می ماننده دها بلغار عسکری اورالره کله دن ، قرق کلیساده ساکن بزم صادق تبیه من اولان بلغارلر ، اوشاشر مه تلاش ایچنده جان قورتارمق ایچون فراره دوکلش اهای مسلمه بی ، دها کندی خانه لرنده ایکن قتل ونهب و یغما ایتمکه بائلا قلرینی ، قرق کلیسای (کندی روایتنه کوره) الگ صوکره ترک ایتمش عسکری الگ متعهدی (....) آغزندن دیکلدم ، دها او دقیقه لرده بزم طرفدن بوخاشلره مقابل مدنیت نامنه لطف ایله معامله ایدیایریمش . (آه مدنیت جانمزی یاقیور)

دها اوزمان قرق کلیساده بابا ، اوتوز بش بیک عسکره الگ ویریورمش ، بابا دییورر که : « عسکرمن او ادبسلری تربیه ایده جک دی ، فقعه یکرمنی عصرک مدیتی مساعد دکلش ! »

الهی یاربی ، نه قدر بصیرتسلرک ؟ بوتون سیئات بزه ینه مدنیت خلیاسیله کلییور . حرب میداننده دخی مدنیت بسله مکده بز . بن بوراده آوروپا مدنیته دن روسلره عائد اولان بر قسمنی قارئین کرامه عرض ایدرک نظر دقتلرینی جلب ایده جکم :

روسیه پای تختی ولان پترسبورغده منتشر نیم رسمی اولان « نوویه ورمیا » غزته سی سر محرری بالقان محاربه سندن بحث ایتدی صیره ده روس عساکرینک ضابطلرینه و فرلر سه خطاب ایدرک دییورر که :

« ای خرستیائلق حامیلری ! اسلاولق و خرستیائلق اوغورنده

خروشان بلا کبی مدهش و مهیب اولان دشمنک اردوسی قارشوسنده
موحیدینک پای تمکین و متانتلرینی تثبیت خصوصنده شرفنزول ایدن
آیات جلیله فرقایه نك بر نظم دلنشین معجز بیانی ده « الف یغابوا
الفین » تسلیت و تبشیرینی اختوا ایله بن شو منشور محتشم الیهیدر .

اوت ، مرهانیکی حکومت اسلامیة نك ساحه ترقی و اقبالده خطوه .
انداز اعتلا اولمغه باشلادیغنی کورن صلیبیون انواع حیل و دسیاسله
داخله غشاش احداثه ، خارجاً بیکلرجه موانع و مشکلات ایجادینه
قویوله رق اندراس واضع حاله چالیشه کلدکاری کبی بر قاج عصر دن بری
خلافت عظمای اسلامیة نی ده اختوا ایله مک صورتیه او چیوز آلمش ملیون
اهل اسلامک سرتاج افتخاری اولان . بناء علیه بتون امت ناجیه احمدیه نك
قطب معظم هدایتی بولان شو حکومت معظمه عثمانیه نك هلال نور
افشان تکبیرینی انخساف ابدییه او غراتمق فکر ابلیسانه سیله شد نطق
وفاق ایدن صلیبیون متجاوز نك حق سزده نه کبی مکاید ، دسیاس اختراع
و استعمال ایله دکاری بر چوق و قایع تاریخیه ایله مثبت و الآن افعال
و حرکات روزمره سیله مشهوددر .

بوقدر سنده بن بری بر آتش ظلم و اعتساف ایچنده یانوب قاووریلان
حکومت عثمانیه نك اعلان مشروطیت فرداسنده عناصر عثمانیه نك
قارداشچه سینه حکم سورن مخدوف و موالاتی چکه میان باقان خیالپر -
ستانی ده اودقیقه دن بین العناصر بر ناره شق و نفاق اشعانه چالشدی .
آسایش داخلی بی بوزمق و اهمه باطله سیله هر طرفه جهنمی بومبالر
القاسنه باشلادی . فقط ده ازلدن بر فطرت علویه ، بر سحیه خارق -
العاده یه مالک اولوب بر شعله دن و واقانلر ، بر عشیرتدن جهانلر تشکیله
موفق اولان میل معالی ایله مشهر عثمانیلر صلح و صلاح امر معتسانه
تمایل ایله بوقدر جنایات و حشیانیه یه دائماً صبر و سکوتله مقابله ایتمک
ایسته دی .

اما هر ذره خاکی آبا و اجداد منک خون کلکون شهادتلیله غمر ،
اورمانلرده کی اغاچلرک هر بری ، اووه لرده کی اوتلرک هر تلی یینه او
محترم شهادت منک کمیکرلیله نشو و نما بولمقد اولدیغنی دوشونه ن شو
اولاد و احفاد ، او اسلاف مطهره نك ذریات طبیه سی اولدیغنی ایچون
البت دلسوز و جانکداز و اویلالر قوپارمتمده اولان مقدس مادر
وطن منک دامن پاک عصمتی اعدای نابکارک پامال خیول ذل و حقارتی
اولماق ایچون کندی وجود آهینلرینی سپر ایدوب ایله دکاری عهد
و میثاق و سیله سیله خاک پاک عثمانیه شرذمه خائنه اعدای تجاوز ایتدر .
مهملک ایچون شبهه یوق که خون نجابت و جلالتلرینی سوه سوه
دوکه جکارددر .

نور آفتاب اسلامک اطفا و محاسنی ارزو ایدن صلیبیون اتحاد
اسلام فکرینی بوس بوتون عقیم براقق ایچون بلا سبب درتیک سنده لک
قدیم بر حکومت ایرانیه نك مقاسمه سینه ، صاحب سلطنت و شوکت
بر فاسک ، کندی در دیله قاووریلان بر وادای حکومتک ، بونک کبی اقطاع
سائرده بولنان بالمله حکومتات صغیره اسلامیة نك برر صورتله ضبط

سزه دیورم : بالقانده بولنان دین قردشلرکزه انسانیت دشمنانی اولان
تورکالر هجوم ایتشلردر . نروده بر خرستیان کورسلر اوراده کسوب
قانتی ایچیورلر . بوکون استانبول داخلنده خرستیان براقیدلر . سزده
کیدیکز ، دین قردشلرکزه یاردم ایدکز . تورکری نروده کوریرسه کز
اوراده انتقام آلکز .

ایشته بزم خصم لر مزده مدنیتک درجه ی .
بونی آوروپاک الیتمدن ، الیمنصف بر فیلسوفی بیله او قودینی
زمان دیه چکی سوز : « حرب زمانیدر اولوریا ! »
بوقدر صریح یالانلری علما نیم رسمی غزته لر قدر درج ایدرلر ،
بزده بونلره بالمقابله همان مدنیت توصیه ایدررز .
بن بیله میورم بوکا نه دیه لم : خرده بین لکمیدر ، نه در ؟ یا خود اداره
مصلحت میدر ؟

بن دیمک ایسترم که : بونلر هب بزم آوروپالیر قارشو لزومندن
زیاده صاف درون ، لزومندن زیاده پرستش لکمزدن تولد ایتش
فالقرددر .

بلغارلر کنسیرلری ایچون لازم اولان روسلرده تمامیه اعتماد
ایده میورلر . بز ایسه هر راست کلن شایقالیه اعتماد ایدیوررز .
بلغارلر محاربه دن ایکی هفته مقدم بوتون سمندوفر خطنی کندی لرینه
آلدقدن صوکره بزه عائد اولان لوقومو تیفلری ، واغونلری ده
آلیقویدیلر ، بزایسه سوقیاته باشلادقدن صوکره کافی درجه ده
لوقومو تیفلر مزک اولوب اولمادیغنی آکلایه بیلدک ، بونی ده آنلرک
مدنیتلرینه اعتماداً خطایه حمل ایدیوررز .

حالا اومدنیت ایمان و اعتقاد ایدیوررز ، حالا اومدنیت نامنه علی -
العمیا حرکته دوام ایدیوررز . بونه در یاربی ؟ بونه درجه عما ؟ بصیرتمز
تمامیه باغلامش . بو درجه ده تغافل ، بو قدرده تساهل و تکاسل ...
بن بیله میورم نه کبی تعبیر قوللانهیم ... آرتق سکوت ایده جکم .

عبدالرشید ابراهیم

الف یغابوا الفین

۱۳۳۱

صبر و ربات موجب ظفر در

آیات فرقایه نك هر نظم بلینی یوزلرجه نکات و مضامینی ،
بیکلرجه سرائر و حکمی اندماج ایله دیکی بالجمله اهل توحیدک تحت
تسلیمنده در .

شمس تابان اسلامک مشرق بطحادن طلوع ایله آفاق عالمیانه
اشعه پاش انتشار اولمغه باشلادیغنی زمانده ده ایدده خفاشانه لرینی
قاماشدیرمقله آتش کین و حسدن قلبلری یانه یانه بریان دود افشانه
دونه ن ، بنابرین او شعله نواره توحید و هدایتک محو و اطفاسنه
چالیشان اعدای بد طینته قارشو مجاهدین کرامی تشجیع و سبیل